



ინფორმაციის თავისუფლების განვითარების ინსტიტუტი

OPD06/15-006

8 ივნისი, 2015 წ.
საქართველოს მთავარ პროკურატურას

გ ა ნ ც ხ ა დ ე ბ ა
(საჯარო ინფორმაციის მიღების მოთხოვნით)

მოგახსენებთ, რომ 2014 წლის 22 დეკემბერს ააიპ „ინფორმაციის თავისუფლების განვითარების ინსტიტუტმა“ მოგმართათ საჯარო ინფორმაციის მიღების შესახებ განცხადებით #OPD12/14-003, რომლითაც სხვა ინფორმაციასთან ერთად მოთხოვნილ იქნა სტატისტიკური მონაცემები 2012 წლის 1 ოქტომბრიდან 2015 წლის 1 იანვრამდე საქართველოს პროკურატურაში შესული განცხადებების/საჩივრების რაოდენობისა და მათზე დამდგარი შედეგების შესახებ. მოთხოვნილი ინფორმაცია მოგვეწოდა საქართველოს მთავრი პროკურატურის 2015 წლის 6 მარტის წერილით #13/13489. აღნიშნული კორესპონდენციის თანახმად 2012 წლის 1 ოქტომბრიდან 2015 წლის 1 იანვრამდე საქართველოს პროკურატურაში სულ შევიდა 10 379 განცხადება/საჩივარი გამოძიების დაწყების მოთხოვნით. აღნიშნული მონაცემების დაზუსტების მიზნით, 2015 წლის 21 აპრილს მოგმართეთ თხოვნით მოგვეწოდებინათ ინფორმაცია იმის შესახებ თუ რა შედეგებით დასრულდა/რა მსვლელობა მიეცა მოცემულ 10 379 განცხადებას/საჩივარს, მათ შორის, რამდენ შემთხვევაში დადგა გამამტყუნებელი განაჩენი, რამდენ შემთხვევაში დადგა გამამართლებელი განაჩენი, რამდენ შემთხვევაში შეწყდა საქმის წარმოება მოსამართლის მიერ შესაბამისი განჩინების მიღების შემდეგ საქმეში არასაკმარისი მტკიცებულებების არსებობის გამო, რამდენ შემთხვევაში იქნა გამოყენებული განრიდება, რამდენ შემთხვევაში გაფორმდა საპროცესო შეთანხმება და რამდენ შემთხვევაზე მიმდინარეობს ჯერ კიდევ სისხლის სამართლის საქმის წარმოება. ინფორმაციის მოწოდება მოთხოვნილ იქნა, ცალ-ცალკე წლების მიხედვით. აღნიშნული წერილის პასუხად, 2015 წლის 29 მაისს მოგვეწოდა ინფორმაცია, რომელიც მოიცავდა არასრულყოფილ მონაცემებს მხოლოდ პროკურატურის სამართალწარმოების პროცესში ჩადენილი დანაშაულის გამოძიების დეპარტამენტში მიმდინარე საქმეთა შესახებ (სულ 112). განვიმარტავთ, რომ ჩვენი 21 აპრილის წერილით მოთხოვნილ იქნა ინფორმაცია 2012 წლის 1 ოქტომბრიდან 2015 წლის 1 იანვრამდე საქართველოს პროკურატურაში სულ შესულ 10 379 სისხლის სამართლის საქმეზე დამდგარი შედეგების შესახებ. შესაბამისად, კიდევ ერთხელ გთხოვთ სრულყოფილი სახით მოგვაწოდოთ 2015 წლის 21 აპრილის #OPD04/15-010-ით მოთხოვნილი ინფორმაცია.

აღნიშნული ინფორმაცია გთხოვთ მოგვაწოდოთ საქართველოს ზოგადი ადმინისტრაციული კოდექსით დადგენილ ვადებში.

საქართველოს ზოგადი ადმინისტრაციული კოდექსის 37-ე მუხლის თანახმად, გოხოვთ, ის ინფორმაცია, რომელიც იწარმოება ელექტრონულად ან/და შესაძლებელია მისი ელექტრონულ ფორმატში გადაყვანა, მოგვაწოდოთ ელექტრონული დოკუმენტის სახით შემდეგ მისამართზე - info@idfi.ge, ხოლო დანარჩენი ინფორმაცია ქსეროასლის სახით.

გაცნობებთ, რომ ა(ა)იპ - ინფორმაციის თავისუფლების განვითარების ინსტიტუტი მზად არის, გადაიხადოს „საჯარო ინფორმაციის ასლის გადაღების მოსაკრებლის შესახებ“ საქართველოს კანონით დადგენილი მოსაკრებელი.

პატივისცემით,
გიორგი კლდიაშვილი

დირექტორი

